



GUOVDAGEAINNU SUOHKAN  
Kautokeino kommune



Sámi  
allaskuvla

# Ovttasbargošiehtadus

gaskkal

Sámi allaskuvlla, org.nr.: 971 519 363, ja

Guovdageainnu suohkana, org.nr.: 945 475 056

# Guovdageainnu suohkana ja Sámi allaskuvlla gaskasaš ovttasbargošiehtadus

## 1. Duogáš ja ulbmil

Guovdageainnu suohkanis (GS) ja Sámi allaskuvllas (SA) lea oktasaš ovddasvástádus nannet ja ovdánahttit sámegeiela, kultuvrra ja servodatovdáneami. Dáinna ovttasbargguin lea mihttun ovdánahttit ja doalahit sámi gelbbolašvuoda guovddáš sámi guovllus.

Šiehtadusa ulbmil lea:

- nannet gulahallama ja ovttasbarggu gaskkal SA ja GS
- ovttasbargguin nannet Guovdageainnu geasuheaddji báikin
- ovttasbargguin nannet studeanttaide ja bargiide buriid fálaldagaid suohkana dásis
- ovttasbargguin geasuhit sihke suohkana ássiid, studeanttaid ja SA bargiid lágidit oktasaš doaimmaid ja fálaldagaid
- ásahit fálaldagaid mat leat geasuheaddjin sihke ássiide, studeanttaide ja bargiide
- nannet ovdánahttingelbbolašvuoda, sihke alitoahpuin, dutkamis ja innovašuvnna hárrái
- nannet sámegeiela, kultuvrra ja servodaga
- ovdánahttit campusa (loga: Diehtosiidda oahppo- ja bargobáikkiin)

## 2. Váldoulbmilat

### a) Báikkálaš geasuheaddjivohta

Dahkat Guovdageainnu geasuheaddji orrun-, studeren- ja bargobáikin go fállagoahtit ja ovdánahttit buriid ja nana birrasa ássiide, studeanttaide ja bargiide. Nannet ja buoridit suohkana sajádaga nationála ja riikkaidgaskasaš sámi báikin. Nannet ja buoridit beaggima lágidemiid bokte; nu go dutkama gaskkusteamii ja kulturdoaimmaid bokte.

### b) Gelbbolašvuodálokten ja oahpahus

Ovttasbarggu bokte sihkarastit relevánta oahppofálaldagaid mat nannejit gelbbolašvuoda regiovnas. Dasa gullá ovdánahttit geasuheaddji oahpuid mat heivehuvvojit sihke Guovdageainnu suohkana ja eará sámi suohkaniid bálvalussurggiide ja dárbbuide, nugo dearvvašvuoda-, oahpahus- ja boazodoallu. Dasa lassin ovdánahttit geasuheaddji oahpuid mat heivehuvvojit sihke báikkálaš ealáhusaid ja servodaga dárbbuide, erenomáš dievdoolbmuid gelbbolašvuoda ja gelbbolašvuodáloktema várás.

### c) Suohkana bálvalusfálaldagat

Leat mielde nanneme suohkanlaš bálvalusaid kvalitehta ulbmillaš gelbbolašvuodaovdáneami bokte bargiide, erenoamážit skuvllain, mánáidgárddiin, dearvvašvuoda- ja boarrásiidfuolahusain. Láhčit bargiide viidáset oahppofálaldagaide dili, ja dili allagelbbolaš bargiid rekrutteremii.

Suohkan fállá:

- Láhkeatnegáhtton dearvvašvuodabálvalusaid
- Mánáidgárdde- ja skuvlafálaldagaid bargiid ja studeanttaid mánáide
- Viessohuksensajiid, ásodagaid ja viesuid
- Deaivvadanbáikkiid
- Astoáigefálaldagaid

### d) Sámi allaskuvlla fálaldagat

Ovttasbarggu bokte nannet allaskuvlla váldodoaimma mii lea dutkan, oahpahuš ja gaskkusteapmi. Dat sistsidoallá maid nannet árbevieruid ja innovašuvnna.

SA fállá studeanttaide čálgofálaldagaid Sis-Finnmárkku studeanttaid ovtastusa (SSO) bokte.

### e) Innovašuvdnabargu

GS ja SA áiguba ovttasbargguin nannet innovašuvnna oahpahušaid-, dutkama-, ja servodatovdánahttinbargguid bokte. Mihttun lea nannet dutkan- ja ovdánahttinbargguid ovttasbarggu- ja oktasaš iniciatiivvaid bokte, ovttahttit ođđa teknologijja sámi árbevirolašmáhtuin ja hábmet ođđa čovdosiid, nannet ceavzilisuoda ja kvalitehta suohkana bálvalusain ja ealáhusovdánahttimis, ovdánahttit arenaid ideabuvttadeami- ja ealáhusutkama váste studeanttaide, dutkiide ja báikkálaš ealáhusaide.

## 3. Ovttasbargosuorggit

Bealit áiguba fokuseret čuovvovaš surggiide:

- Gelbbolašvuoda ovddideapmi/ovdánahttin

Ovddidit báikkálaš sámi oahppofálaldagaid mat dorjot suohkana ja regiovnna gelbbolašvuoda dárbbuid. Ovdamearkan leat sámi oahpaheaddjeoahppu, dulkaoahppu, giellaoahput, dearvvašvuoda- ja servodatfága, ja maiddá kursat digitaliseremis ja innovašuvnnas almmolaš suorggis.

- Suohkana dárbbut

Nannet bargiid gelbbolašvuoda skuvllain, mánáidgárddiin ja dearvvašvuodavuogádagas dan bokte ahte fállat bargiide vejolašvuoda váldit oahpu-

ja joatkkaoahpuid. Bealit áigot maid ovttasbargat pedagogalaš reaiduid ja sámegielat oahpponeavvuid ovddideamis mat sihkarastet alla kvalitehta oahpahas ja fuolahusas.

- Allaskuvlla dárbbut

Nannet Guovdageainnu nu ahte dat lea geasuheaddji báiki sihke bargiide ja studeanttaide.

Dat mielddisbukta buori beaggima sihke bálvalusaid ja oadjebasvuoda ektui.

Fállat dearvvašvuodabálvalusaid sihke SA bargiide ja studeanttaide

Erenomážit čalmmustahttojuvvo orrundilli (viessohuksensajit ja viesut) ja astoáigefálaldagat bargiide ja studeanttaide.

- Innovašuvdna ja dutkan

Čađahit oktasaš dutkanprošeavttaid mat giedahallet servodathástalusaid ja ovdánahttinvejolašvuodaid.

Ovttasbarggu bokte ovdánahttit ovdaprošeavttaid mas mihttun lea geahččaladdat ja hábmet odđa vugiid čađahit suohkanlaš bálvalusaid.

Ángiruššat nannet máhttojuohkima ja gelbbolašvuodaloktema gaskal akademiija, suohkana ja ealáhusaid.

- Geasuheaddjivohta ja dovdomearka

Lágidit kultuvra- ja dutkanfestiváldaid, bargobájiid ja semináraid mas guovddážis lea čalmmustahttit Guovdageainnu sámi kultuvrra ja máhtu. Dát geasuha sihke studeanttaid, bargiid ja suohkana ássiid.

#### **4. Organisašuvdna**

Ovttasbarggu ásašuvvo ovttasbargojoavku mii čoahkinastá oktii jagis, ja dasa lassin leat čoahkkimat dárbbu mielde, šiehtadusa čuovvoleami olis. Goappaš bealit nammadit lahtuid bargojovkui. Joavkkus lea ovddasvástádus ovttasbarggu ollislaš jodiheamis, vuoruheamis ja árvoštallamis.

#### **5. Ruhtadeapmi**

Bealit gokčat iežaset ovttasbargogoluid.

Bealit áiguba aktiivvalaččat ohcat olggobeale ruhtadeami nationála ja riikkaidgaskasaš dutkan- ja ovdánahttininfoandain.

## 6. Árvvoštallan ja joatka

Šiehtadus lea bastevaš, muhto goappašat bealit sáhttiba cealkit eret šiehtadusa. Eretcealkináigi lea 6 mánu.

Šiehtadus bohtá fápmui go suohkanstivra lea dohkkehan dan, ja sátnedođiheadji ja allaskuvla rektor leaba vuolláičállán dan.

Šiehtadusa eretcealkima galgá suohkanstivra ja/dahje allaskuvlla rektor dohkkehan.

Ovttasbargu árvvoštallojuvvo jahkásaččat.

Šiehtadus lea fámus 16.04.2026 rájes, ja lea vejolašvuohta viiddidit ja heivehit árvvoštallamiid vuodul.

Guovdageaidnu, 16.04.2026

-----

Liv Inger Somby

rektor

Sámi allaskuvla

.....

Anders S. Buljo

sátnedođiheadji

Guovdageainnu suohkan